



## KENYATAAN MEDIA

### KOLEJ TUN DR. ISMAIL, UPM

**Terbitan Segera: 15 September 2021**

---

#### **"BONDING SESSION" ERAT UKHWAH KELAB DEBAT KTDI**

Oleh: Muhammad Radhi Amir dan Nur Farah Syazwahazwani Sufatan

**SERDANG, 3 Sept**— Program *Debat Bonding Session* dianjurkan oleh Kelab Debat Kolej Tun Dr Ismail (KTDI) di bawah naungan Sekretariat Intelek dan Inovasi KTDI, UPM berjaya mengeratkan ukhwah antara ahli baharu dan lama melalui platform aplikasi *Zoom*, hari ini.

Program yang berlangsung selama 3 jam 30 minit itu disertai seramai 22 orang yang terdiri daripada 10 ahli baru, 10 ahli lama dan 2 alumni KTDI merangkumi pelbagai kaum seperti Melayu, India dan Cina.

Sudah menjadi asas organisasi, program ini bertujuan untuk mengeratkan silaturahim dan hubungan kekeluargaan di setiap peringkat tahun pengajian ahli kelab yang tidak pernah bersua secara fizikal akibat Perintah Kawalan Pergerakan (PKP) yang dilaksanakan di seluruh negara.

Menurut pengaruhnya, Amira Natasya berkata program ini adalah satu inisiatif untuk menyemarakkan semangat kerjasama, hormat-menghormati dan menanam nilai-nilai murni melalui aktiviti-aktiviti yang dijalankan kepada ahli kelab.

"Antara aktiviti yang dilakukan ialah *Ice-breaking*, *Draw and Guess*, *Get to Know Me*, *Truth or Dare* dan sebagai penutup sesi luahan hati", katanya yang merupakan pelajar tahun ketiga jurusan Fizik sesi 2021/2022 yang juga pernah mewakili kolej sebagai pendebat pertama di Pertandingan Debat Samba Za'aba dan Debat Belia K13.

Aktiviti pertama, *Ice-breaking* yang berkonsepkan suai kenal santai ini telah dimulakan dengan membahagikan kepada 3 kumpulan untuk memudahkan proses persefahaman dan menyuntik semangat berpasukan. Aktiviti yang dibantu 4 ahli jawatankuasa ini dapat menyemai pembentukan sikap nilai murni, semangat integriti dalam melahirkan masyarakat yang harmoni.

Seterusnya aktiviti *Draw and Guess* yang menguji bakat peserta dengan meneka peribahasa yang perlu diterjemahkan melalui lukisan. Pendekatan ini secara tidak langsung dapat mencungkil bakat seni dan pengetahuan asas peserta dalam elemen kesusastraan Melayu yang boleh digunakan dalam mewarnai penyampaian ketika debat nanti.

Bagi aktiviti *Get to Know Me* pula, peserta akan dipilih secara rawak dan ahli lain perlu meneka jawapan bagi soalan yang diberikan seperti warna kegemaran, makanan kegemaran, kereta idaman dan sebagainya.


Manakala bagi aktiviti *Truth or Dare*, 4 nama peserta yang dipilih perlu membuat pilihan sama ada ingin menjawab soalan yang diberikan dengan jujur atau melakukan cabaran yang diberikan secara rawak. Ini menguji sifat keberanian dan kesanggupan mengambil risiko dalam membuat keputusan.

Sebagai penutupan, sesi luahan hati oleh setiap ahli dilakukan bagi meluahkan perasaan dan menzahirkan harapan terhadap kelab debat ini, di samping meletakkan sasaran kejayaan kendiri mahupun bersama dalam menjadi pendebat KTDI yang baik.

Menurut ahli baru, Shobana berkata "Debat *bonding session* ini adalah suatu inisiatif yang amat baik untuk mengeratkan silaturrahim dan hubungan kekeluargaan. Saya amat seronok kerana dapat menghilangkan *stress* dengan gelak tawa di samping mengenali ahli kelab debat yang lebih senior" , katanya yang merupakan pelajar tahun kedua sesi 2021/2022 di Universiti Putra Malaysia.

Meskipun kita berhadapan dengan cabaran pandemik Covid-19, Kelab Debat KTDI UPM yang telah ditubuhkan sejak 2018 ini tidak menjadikan ia sebagai satu penghalang untuk terus maju dan menyertai pelbagai pertandingan debat sekaligus memberi ruang untuk melahirkan pendebat baru dan melakar kejayaan di peringkat individu, kelab, kolej mahupun universiti.

"Buktinya, meskipun baru setahun jagung, Kelab Debat KTDI tidak pernah melepaskan peluang untuk menyertai segala pertandingan debat di peringkat UPM dan telah beberapa kali melayakkan diri sehingga peringkat separuh akhir di samping ahlinya pernah mendapat pendebat terbaik pusingan" oleh Soffea selaku pengurus Sekretariat Intelek dan Inovasi.



Peserta sedang bermain permainan *Truth or Dare*.

Sapinah Rafflesia

From Sapinah Rafflesia to Everyone  
sorry line tak elok

Jasvin L

Sesi bergambar bersama peserta.

**Disediakan oleh,**

Muhammad Radhi Amir (196570) &  
Nur Farah Syazwahazwani Sufatan (207860)

**Disemak oleh,**

Dr Fatma Azwani Abdul Aziz  
Felo Kolej Tun Dr Ismail  
Universiti Putra Malaysia

Muhammad Izzudin Abdul Ghani (202638)  
Naib Presiden III  
Majlis Perwakilan Kolej  
Kolej Tun Dr Ismail  
Universiti Putra Malaysia

Nur Sofea Arisya Hairy Azlan (203451)  
Pengerusi Sekretariat Intelek dan Inovasi  
Kolej Tun Dr Ismail  
Universiti Putra Malaysia

**Disemak oleh,**  
(Tandatangan dan Cop)

  
**PROF. DR. AMINUDDIN HASSAN**  
Pengetua  
Kolej Tun Dr Ismail  
Universiti Putra Malaysia  
43400 UPM Serdang, Selangor  
Ybhg. Prof. Dr. Aminuddin Hassan  
Pengetua Kolej Tun Dr Ismail  
Universiti Putra Malaysia.